

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Виходить два раза в місяць
кожного 1-го и 15-го.

АДРЕС:
редакції и експедиції:
REDAKCIJA „VLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 . К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Память св. священномученика Йосафата.

Одному великому мужови посвяще память новембра 12-го (25. XI.) весь христіянскій свѣтъ, одному великому мученикови, что правѣ теперъ 300 роковъ умеръ за свою греко-каѳ. православну вѣру мученическою смертю. Сей мужъ головно удостоиться на *наше* празднованіе, бо онъ бывъ нашимъ соплеменникомъ, кровь и кость изъ нашей крови и кости, *русинъ* изъ самого того рода изъ котрого походиме мы всѣ. Живъ въ самыхъ такихъ тяжкихъ часахъ переслѣдований и умеръ за ту греко-каѳол. православну вѣру, за которую только терпиме и мы изъ стороны лютыхъ шизматиковъ. Сей чоловѣкъ бывъ св. священномученикъ *Йосафатъ Кунцевичъ*, полоцкій архіепископъ.

Онъ бывъ монахомъ Чина Св. Василія Великого въ началѣ XVII-го столѣтія, т. е. въ тихъ часахъ, коли уже горячо кипѣла борьба меже гр. каѳоликами и шизматиками. Онъ якъ простый монахъ еще не могъ лично замѣшатися въ сесю борьбу и только молитвою и многими покутами причинився до обороны гр. каѳ. православной вѣры. Дуже часто зимовыми часомъ середъ трѣскучихъ морозовъ въ ночи выходивъ на цвинтаръ церкви и туй бичовавъ себе ажъ до крови. А за каждымъ ударомъ повторювавъ: „Господи, дай едностъ въ твоей святой Церкви, дай, чтобы всѣ единѣ были“. Потомъ поставили его на Полоцкій (Бѣла Русь) епископскій престоль. Въ семъ станѣ много трудився около поднесенія побожного житя своихъ вѣрниковъ и много працювавъ за укрѣпленію святого соединенія Восточної Церкви. Середъ сихъ спасительныхъ дѣятельностей постигла его мученическа смерть.

Коли одного разу пошовъ на міссійну подорож до Витебску, схизматики постановили его убити. Коли св. Йосафатъ 12-го новембра 1623. пошовъ до Церкви отправити Утреню, схизматики подъ брамою монастыря собралися и вартовали его. Коли онъ вийшовъ изъ церкви, схизматики вергли ся на него и почали его бити. Оденъ изъ нихъ ударивъ его коломъ, другій сокирою затявшъ по головѣ. а третій съ лвома постриглами

убив святого. Потомъ звязали окровавленное тѣло его мотузами и повлекли черезъ улицѣ за городъ и кинули въ рѣку Двину. Богобойнѣ христіяне потомъ витягли его тѣло изъ рѣки и чесно поховали.

Надъ гробомъ св. Іосафата Богъ указавъ многѣ чудеса; народъ почавъ съ процесіями ходити до его мощей и слава св. Іосафата изъ дня на день росла. Всѣ убійци щиро и жалосно покаялися. Оставили шизматицкій блудъ и вернули назадъ въ лоно гр. каѳ. православной Церкви. Житя и чудеса св. Іосафата звернули на себе увагу апостольского престола и г. 1643. папа Урбанъ проголосивъ его блаженнымъ, IX. Пій же г. 1867. святымъ. Мощи его теперь въ Вѣдню спочивають въ нашей гр. каѳ. руської церкви св. Варвары.

Се есть коротка исторія нашого русина-мученика св. Іосафата Кунцевича. Наша св. гр. каѳол. правосл. руська вѣра має много мучениковъ, но изъ новѣйшихъ часовъ только оденъ, св. Іосафатъ есть оффіціально проголошений святымъ. Всѣ народы мають своихъ народныхъ святихъ, которыхъ празникъ съ великою славностю звикли обходити; и мы русины, гр.-каѳ. православнѣ можеме гордѣ быти на то, что и межи нами находиться оденъ выбранный угодникъ Бога, кого Богъ прославивъ чудесами и кто за благо руського народа и за нашу гр. каѳ. православну вѣру постоянно молиться передъ престоломъ Бога.

Но найдостойнѣйше тогды будеме почитати память нашего святого, если послѣдуеме его примѣръ. Онъ выславився головно въ оборонѣ и вѣрности къ своей гр. каѳ. православной вѣры. Се есть и нашою повинностю. Кождый русинъ греко-каѳ. правосл. як муръ мас стояти противъ шизматицкой агитації. Не продати ни за грошъ, ни за землю, ни за порожну обѣцянку свою св. вѣру. Не боятися, не страхатися передъ угрозами дикихъ криво-славныхъ и радше зносити все — як стати Юдами нашей правдивої вѣри.

Окремъ сего кождый свѣдомый русинъ-христіянинъ має и активну участь брати въ нынѣшній религійной борьбѣ. Где треба и кровю защищати наши церкви передъ кондашами и ихъ наемниками еретиками. Въ политицѣ не подперати туту партію, яка межи членами має головныхъ агитаторовъ шизмы и такихъ пановъ, котрѣ церковъ лишь изъ вонку видять. Кто годенъ (и кто бы не годенъ) най собѣ замовляє одну христіянську газету и туту читає и на туту заганяє свої геллеры, а съ такими газетами, котрѣ подперають народодурительну роботу бородатыхъ котѣшовъ — на огень! И най агитує въ интересѣ христіянской политики и собирає предплатниковъ на христіянскѣ газеты! А головно най молиться, чтобы Богъ просвѣщав темный умъ отступниковъ и приведе ихъ на покаяніе и на познаніе истинной гр.-каѳол. православной вѣры.

Бо теперь борьба лютиться. Діяволь хоче у насъ звалити

Історія Христіанської освіти въ Українѣ на творчому імені св. Петра

Мы маєме указати діяволови, что скорше розобъе голову свою,
якъ переможе Христову вѣру.

Се была и программа си. священномуученика Іосафата.
И теперь коли на честь егъ такѣ великихъ славности отбываются
въ Вѣдню и мы маєме набратися силою и одвагою на дальшу
борьбу до окончательной побѣды. Его дѣло и наше дѣло; съ
нимъ идемъ въ борьбу и съ нимъ достанемъ и вѣнецъ побѣды.
За что онъ умеръ, то милое и памъ и мы то защищати хочеме
ажъ до послѣдней капли нашей крови.

Съ всѣми русинами и съ всѣми греко-каѳ. православными
цѣлого свѣта обходиме 25-го новембра велике торжество и со-
вокупно спѣваеме:

„Величаемъ тѧ свѧтенномуучениче Христокъ Іосафате и
чтемъ чеснымъ страданіемъ твоемъ, также за соединеніе претер-
пѣлъ Еси“. (Величаніе на праздникъ св. Іосафата священномуученика.)

Порядок

торжеств на честь св. Іосафата, мученика соединенія Церкви держаемыхъ Вѣдню 17—25 нов. 1923.

В суботу 17-го новембра:

о год. 4. попол. перенесеніе св. мощей св. Іосафата из церкви
гр. каѳ. руськой св. Варвары до архіепископской церкви св.
Степана. Проповѣдь (о. Августин, граф de Galen) и апостолское
благословеніе.

В недѣлю 18-го новембра:

о год. 9. Торжественна св. служба восточного обряда в церкви
св. Степана, котру отправляютъ всѣ гр. каѳ. православній епис-
копы (присутнѣ на торжествѣ) из Галичини, Чехословакіи, Ма-
дярщины и Румунії.

О год. 5. Благословеніе и св. проповѣдь.

В понедѣлок, второк и середу. (19, 20, 21-го нов.):

о год. 9. св. служба нашего обряда перед св. мощами.

О год. 5. Благословеніе и ружанецъ перед св. мощами.

В четвер, пятницю и суботу (22, 23, 24-го нов.):

од год. 9. св. служба нашего обряда перед св. мощами.

О год. 5. Благословеніе и св. ружанецъ перед св. мощами.

О год. 7. св. проповѣдь и апостолское благословеніе. (о.
Павликівскій, проф. др. Томек и о. Пешл монах ч. І. Сп.)

В недѣлю 25-го новембра:

од год. 9. Торжественна служба Божа римского обряда и
проповѣдь.

О год. 3. Вечерня и торжественный перенос св. мощей
и церков св. Варвары



Мученическа смерть св. Іосафата.

12/25. X. 1613. — 12/25. XI. 1923.

Св. Іосафата убили шизматики в Вітебску г. 1623. Кождый свѣдымый русан-християнин має сего нашого, руського священному ченника почитати и научитися от него защищати свою гр. кае. правосл. вѣру!

ІЗ ІСТОРІЇ ЦЕРКВИ

Змагання соєдиненія меже Востоком и вселенською Церковю.

Отколи восточнѣ христіяне под проводом честолюбивих константинопольских патріархов Фотія и Керулларія одлучилися од Христової Церкви — ни одна ни друга часть христіанского свѣта не успокоилася в такое смутное розорваніе Христової Церкви. И греки и западнѣ народы на том были, чтобы знов соединитися и жити в мирѣ и єдинствѣ, як жили за 1000 роков. В протягу исторіи больше раз случилися такѣ спробы соєдиненія церквей, котрѣ хотя не увѣнчалися достаточным успѣхом, однакож приготовляли путь до так желательного церковного соєдиненія т. е. унії.

Перша така спроба была г. 1274. на Ліонском (Франція) вселенском соборѣ. Грецкій імператор Михаил VIII. (Палеолог) послав своих послов на ліонскій собор, на котором присутствовали всѣ (500) западнѣ епископы — и послы там заявили, что принесли письмо од грецкого імператора, в котором пише, „что откажучися од теперѣшнього роздѣленія Восточноѣ и Западної Церкви вернєся назад и готов повиноватися папѣ“. Сей лист быв прочитан, на соборѣ а послы імператора зложили присягу. Папа Грегорій X. на честь грецких послов одправив торжественну Службу Божу, на котрой и евангеліе и апостол окрем по латински прочитанѣ были и по гречески, а також в обох языках одспѣвано „Вѣрую“, в котором повторяли слова: и от Сына. Потом одспѣвали „Тебе Бога хвалим“. На засѣданіях собора же подробно ислѣджовали ученіе Церкви о походженю св. Духа и одноголосно высказали, что „Дух св. вѣчно исходить од Отца и Сына, не як од двох начал, но як од одного и не посредством двох дыханій, но через одно“.

Но сіє соєдиненіе не довго держало; як скоро и легко повстало, так скоро и минулося. Меже греками и латинами еще така велика была ненависть, что греки волѣли и дальше розлучено жити од Апостольского престола, як виедно з ненавидженими латинами. Сам імператор Михаил VIII. одступив од Унії, сын же его, чтобы указати свою ненависть к соєдиненію, довго оставив непохороненым мертвое тѣло отця.

В XV. столѣтію чим раз большою стала опасность для грецкой державы из стороны Турков. Тепер лиш увидѣли добродушнѣ христіяне, якою шкодою и небезпекою есть для цѣлого христіянского свѣта шизма (розкол) Фотія и Керулларія. Турки з великою силою приближаються знищти весь христіянскій свѣт, а христіяне меже собою роздѣленѣ, з повною ненавистю нищать друг-друга. Святое дѣло церковного соєдиненія (унії) стало знов киплячим вопросом.

Коли грецькій імператор Іоанн VII. (Палеолог) дознав ся о том, що каѳолическі епископы собралися в Феррарѣ, потім в Флоренції на собор, собрав всѣх лѣпших богословов и епископов и въедно з ними одправився на собор. Из восточных епископов и патріархов присутнѣ были: *Іосиф царгородскій, Вескаріон никейскій, Марк ефезскій, Ісидор кіевскій из Руси и многъ іншъ епископы.* Совѣщання довго держали (25 засѣданій); из части восточных богословов возникли трудности об исхожденію св. Духа од Отца и Сына; лиш тогды пришло к повному соглашенію, коли западнѣ богословы розяснили, что исхожденіе Духа св. есть вѣчное и не окреме походить од обох особ, но разом як од одного начала. Против верхопости папы головно імператор робив затрудненія боячися того, что сим утратить право розположенія над епископами своєї державы. Но коли видѣв, что всѣ его епископы (окрем Марка ефеского) се признают и даже полезным считаютъ для блага Церкви, согласившися и он. Так что удалось им порозумѣтися в всѣх спорных вопросах вѣры и греки одноголосно признали, что

1) Дух Святый походить и от Отца и от Сына, як от одного начала,

2) существует чистилище, где души правдивых, но не дѣлавших на земли достаточной покуты за якийсь час покутовати мають,

3) латины могутъ и с хлѣбом без кваса служити св. літургію,

4) папа римскій, як наслѣдник св. Петра має верховну власть над цѣлым христіянским стадом.

Разом установленный быв и порядок патріархальних престолов: 1. римскій, 2. константинопольскій, 3. александрийскій, 4. антиохійскій, 5. іерусалимскій.

6-го юнія всѣ восточнѣ епископы (окрем Марка) подписали грамоту церковного соединенія (унії), и на память сего радостного случая Папа Евгений IV. выдав торжественну буллу написану цо греки и по латински: „Возрадуються небеса...“

На жаль и сie соединеніе не довго держало. Ефезскій Марк вернувшись до дому збунтовав народ против унії, и удалось ему знищити так спасительное и так нужное и святое дѣло церковного соединенія. Однако епископы все таки держалися до унії доки г. 1453 турки не заняли Царгород, порабошили христіянов в Греції и перемѣнили прекрасну церков св. Софіи в магометянскій мечет. Под поганским панованіем Турков потом унія само от себе зникла.

Однакож не минувся флорентійскій собор без слѣду успѣхов; на основѣ рѣшений сего собора случилися потом позднѣйшѣ церковнѣ соединенія русинов, румунов, болгаров и т. д.

Днесъ зновъ возпламенило горячое желаніе соединенія с апостолским престолом у восточных народов. Видять и признаютъ, что они колись въедно были с западними христіянами и составляли одну могучу Церков; познали из истории, что лишъ гордость Константинопольских патріархов одорвала их от римского

престола и что не е жадной поспоны вернутися назад в Христову Церков. Даи бы Бог, чтобы чим скорше пришов той радостный час, коли Восточчина и Западнѣ християне соединяться в одной Церкви Христовой и жючи мирно и в братской любви осуществляютъ горячое желаніе Христа Спасителя „да будуть вси едино“. (Іо. 17, 7.)

Листъ изъ Америки.

(Головно до заблудившихъ Вел.-Лучанскихъ жительовъ).

South Fork, Pa. September 10. 1923.

Слава Іисусу Христу!

Зъ далекого свѣта, зъ Сѣверної Америки до Васъ роднѣ братя и сестры рожденїи и жиющї Под Карпатами. О! якъ подумати солодко на тоты часы коли я еще бавився подъ ними? Який красный вѣнокъ уплетеный зъ горами Карпатами? Тамъ инакше вѣтеръ вѣе, красше соничко грѣе, якъ де ннде на свѣтѣ. Приходжу до Васъ дорогѣ земляки, бодай писемно бо инакше околичности не позволяютъ чтобы пойти и лично поговорити стостояніе наше.

Туй хочу оповѣсти дачто о житю своеи и о житю нашего народа на далекой чужигї на такъ званой „Свободной Землї“ въ Америцї. Я рожденый въ Великихъ Лучкахъ въ роцѣ 1888. а пошолъ до Мукачовскаго Монастыря въ роцѣ 1900, а позднѣйше до Покчанскаго Монастыря, и тамъ учився чтобы знати оддкончити богослуженіе, бо кто тамъ не научится тотъ никогда нигде не научится. Тамъ научать якъ треба ближнього любити, якъ треба вѣру свою истинну православну христянску каѳолическу любити, и до остатної буквы не опустити, бо Богъ не хоче лемъ половину нашего серця, але Онъ намъ давъ цѣлое серце и цѣлу душу невидиму, I. Христосъ нась одкупивъ не лишъ половину но цѣлыхъ, и за то тамъ учать что маеме Богу служити не лишьъ такъ якъ мы хочеме, якъ намъ ся любить, але такъ якъ самъ Богъ приказавъ.

Дорогѣ земляки не чудуйтесь, что такъ обширно буду описвати мой животъ а и нашихъ людей, бо на то прийшовъ часъ чтобы я бодай въ новинкахъ поговоривъ зъ своими земляками и зъ другими знакомими.

Минуло тому 18 лѣтъ якъ прийшовъ я до Америки глядати лучшого щастя, лучшої доли якъ наши отцы, матери, дѣды и прадѣды мали. Правда что наши прадѣды были щасливѣ бо мали всього доста что имъ было треба найлучше они были задоволенї святою Вѣрою Христовою и зъ Его церквою, и не потреба имъ было якоѣсъ тамъ „Новоѣ Вѣры“ або якоѣсъ тамъ Библійнѣ Субботники, я самъ коли бывъ дома въ родномъ селѣ то я за такое не чувъ.

Прийшов до нового краю, то якъ звичайно говорять, что

„Новый Край — новый обычай“, и истинно такъ есть. Тутъ человѣкъ мусить робити деколи и тяжше якъ тамъ дома, мусить за ъдло платити, и то ци робить ци ни, бо ъсти хоче.

Чо гомся найгорше боявъ тутъ въ Америцѣ? Что Церковъ свою руську греко каѳолическу не побачу: Но не такся стало, бо Богъ Всевышний давъ что на Souiñ Forki, Ra. де еще все оттого часу дѣйствую, выбрали мене за своего дяко-учителя; хвала Богу тутъ менѣ добре, бо каждый день у церкви, такъ само якъ бы бывъ у Мукачовскомъ або у Повчанскомъ Монастыри.

Но что я дочувъ на той околицѣ познѣйше? Чую что мой оденъ товаришъ — котрый бывъ зо мною въ той часъ въ монастыри, одрекся вѣры Православно Каѳолическої и пошовъ служити „мамонѣ“ за грошъ и дався „укропити“ за батюшку и такъ подъ плащомъ „священства“ дурити нашъ ъдный народъ.

Но якъ увидѣвъ что есть то не такъ як обѣцяли, у крутый часъ вернувшись назадъ и днесъ служить яко дяко-учитель въ греко каѳол. церквѣ. Много дуже много вернулобися если бы могли назадъ вернутися.

Дороги читателѣ, днесъ вѣра наша есть окомъ свѣтlosti. Позирайте что ся стало въ Совѣтской Россіѣ? Якъ тамъ вѣру гублять? Тотъ котрѣ тамъ были, то знаютъ якъ тамъ честують вѣру. За ничъ держать.

Минувся царь, пошла его вѣра. Но Христова вѣра буде стояти ажъ до конця свѣта. Много Велико-Лучанскихъ людей вертае толпою назадъ до истинно православної церкви, тутъ на свободной землѣ, де истинно видять правду вѣры.

Дуже красно дякуемо Высокопреподобному о. Г. Дзубайловы котрый прийшовъ сюда намъ изявити состояніе въ нашомъ родномъ краю, бо мы лишъ тово могли знати о опасности. нашої вѣры и нашихъ церквей, что черезъ острѣ но густѣ зубы опустили намъ наши вороги.

О. Дзубай намъ словами разповѣвъ якъ тамъ въ нашомъ родномъ краю где колись и мы тамъ ходили, радовалися, молили Всемилостиваго, и помочи просили одѣ Него, где насы крестили, где первый разъ свѣтъ узрѣли, красное голубое небо побачили, где насы мама наша колисала а красну пѣснь по дѣколи и сумну намъ спѣвала, якъ бы тово пророковала намъ что „твердою вѣрою держи свою вѣру Христову, бо лишь одну маешь душу, лишь одна вѣра есть правдива, тоту что тобѣ Богъ даровавъ тулу держи, тулу сохраняй ажъ до смерти, бо якъ еї утратишъ то больше ю нигде не найдешъ“.

Мама зачала учити, отецъ помогавъ. Но якъ уже мы велики были, тогда наши отцы духовнѣ насы научали, якъ въ церкви такъ въ школахъ что; „любѣть свою вѣру, которую вамъ Богъ даровавъ“, зъ дня на день учили насы чтобы мы любили Бога его церковъ а ближнихъ своихъ якъ самихъ себе!

Но настали лжепророки, вовки мѣсто душпастырей. Чужѣ въ очахъ, „наши суть“! Такихъ пророковъ не узнаеме и не

хочеме знати, только тихъ хочеме упивати, котръ насъ учили истинноѣ вѣры Іисуса Спасителя, который насъ одкупивъ и спасъ од погибели пеколноѣ.

Не думайте дороги братя, что тата нова вѣра яка тамъ „засвѣтила“ между вами добрыми русинами (якъ безчислениѣ грибы въ одну ночь являются, а въ короткій часъ счезаютъ,) что довго потревае тата вѣра? бо мусить правда воскреснути, бо правдѣ Божї никто противостати не може.

Я якъ оддаленый одъ васъ, уже больше якъ 18 лѣтъ зъ болемъ сердця пишу вамъ, что хотяй я не тамъ между вами жиу, но усе мене тягне туда де я ся родивъ на сей свѣт, где я ставъ ся уdomъ церкви Христовой черезъ св. Тайну Крещенія, пишу Вамъ дорогѣ братя и земляки вертайте на свою вѣру од которой вы заблудили, вертайте до того часу доки еще е коли, чтобы вы не казали что „О! Отче Аврааме, пошли кого ко моимъ братямъ, ибо пять братей маю, да напомнетъ ихъ о томъ мѣстѣ мученія да и тѣ не прийдутъ на мѣсто сіе“. На тотъ страшнѣ слова чтобы не достали отповѣдь страшну что такъ звучить: „Но нѣтъ, мають тамъ пророковъ, священниковъ да ихъ послухають, аще и кто зъ мертвыхъ воскреснетъ не имуть вѣры“.

Кайтесь правдиво, есть ласка у Бога и для васъ всѣхъ заблудшихъ. Великое милосердіе Божое жие и есть для всѣхъ согрѣшившихъ, не лемъ вы согрѣшили но всѣ мы грѣшными, правда, что якъ согрѣшили то и покаятися маеме передъ часомъ, ибо по смерти нее покаянія.

На другой разъ больше напишу, ибо теперь я дуже занятый своими роботами зъ которыхъ себе и свою родину мушу удержати.

Съ нами Богъ. Вашъ землякъ и братъ во Христѣ,
дяко-учитель и публичный нотаръ

Иванъ Лоджунъ.

Из шизматицкого раю.

Плоды кривославія. В Дуловѣ (село шизматицкое в Марм.) правительство разпорядило засадити 8 угров пѣско-витой и каменистой землѣ с акацами, чтобы земля не сунула ся из берега на іншѣ землѣ. Но подбурена шизматицка товпа насилою противостояла сѣму мудрому и хосновитому дѣлу. Набили гайника и коли пришли жандары в село, по кривославному звычаю почали звонити на огень. Як увидѣли жандаров, почали гойкати, кричати и камѣнями метати в них. Жандар-мерія вызвала народ, чтобы розийшли ся, але се не помогло. На се три раз стрѣляли жандары в воздух, и коли одному жандарови перервали руку, жандары стрѣлили межи народ. Тroe тяжко ся поранили, из которых оден такой там умер.

До такого приведе бунтованя тых кривославных агитаторов, котръ научаютъ народ ограбляти чужъ церкви, выметати священников и безчестити кождого, кто их глупостей не признае. Теперь уже и чехи можуть видѣти, что там, где запанovala шизматицка вѣра, где бородатый кондаш розширяє культуру, там ничего доброго не мож зробито для блага руського народа. Хиба кровю.....

Слухи ходять, что и батюшка там быв в товпѣ и что першій камѣнь он верг на жандаров. Красный „душ“ паstryр!

* * *

Церковник учить батюшку. Село Нанково в жупѣ мармарошской едноѣ з минувших недѣл готовилося на великий праздник. Народ красно убраний перед церквою чекав нового батюшку, который правѣ скончив „теологію“ в Буштинѣ и ишов службу служити до села Н. Зойшлися на сей день всѣ живѣ „православнѣ“ до церкви. Там были дѣти и старѣ, жоны и мужы, богатѣ и худобнѣ, кождый хотѣв чути, як буде новый батюшка службу одправляти.

Народ нетерпеливо чекав початок службы. Батюшка уже давно зайшов до церкви, а ще все не починае одправу. Люде почали коло церкви говорити: „Ба, що он там робить?“ Однѣ кажуть. що даже довгу молитву мае скончити, другѣ знов да-що инше.

Один одважный чоловѣк зайшов до церкви, абы подивитися, що батюшка робить. Скоро вернувся и каже, що батюшка вже коло жертвеника. На то всѣ готовляться и идуть до церкви. Минуло чверть годин як всѣ зайшли до церкви, а батюшка ще все стоить коло жертвеника. Стоить и не робить нѣчого. На конец пойде до нго церковник (котрый больше знав як он) и зазвѣдае его, чому не иде кончити службу?

Аж потому дозналися люде, що батюшка за то стояв так довго коло жертвеника, бо забыв ци чашу треба перенести на престол перед службою — по проскомидї — ци подчас самоѣ службы. Церковник мусѣв ему потолковати, що чаша переношуся подчас великого обходу, по „Иже Херувимы“. Зачалася служба, но подчас тоѣ народ цѣлком утратив дяку до таких батюшок, бо выявилось, що батюшка не знає порядочно читати, а больше раз не знає, що слѣдує так, що церковник мусѣв ему помагати.

Коли народ вийшов из церкви, многѣ почали роптати, що сякѣ батюшки лиш на шкоду суть душевного житя народу, од сяких нѣчого не можна научитися. „Твердѣ“, котрѣ призвали были батюшку, выговорювалися тим, що он ще не докончив „теологію“. Як выходять всѣ три мѣсяцѣ, тогды буде он все порядочно знати.

От так дурять наш худобный народ, а он ще все спить, спить тихим сном. Отворѣть очи и погляньте, що дѣєся около вас!

Б.

* * *

Слава Ісусу Христу!

Дорогій отче Редакторе!

На праздник св. великомученика Димитрія пришов до нас оден кондаш Кабалюк Бородатий, шизматицкій батюшко и хотѣв и у нас народ дурити. Но не мав смѣлости ступити до церкви лиш в цвинтарѣ отправив службу и паастас. Находили ся и такѣ, котрѣ „сповѣдали ся“ с бородатым. Еще службу якось отправив хиба то было чудное, что при причащенїю взяв кусок хлѣба та цѣловав и пахав и так иззѣв; потом никнув у чашу, пальцем помазав собѣ уса и бороду и так пив из неѣ; но паастас уже стыд было чесному чоловѣкови слухати. Много вылишив, много поколотив, так что под 5 минутами вѣсно докончив, хотя взяв за паастас от людей по 10 и по 20 корон! Та так батюшки дурять народ!

Прошу вас пане редакторе напишѣть сесе в Благовѣстнику и запишѣть и мое имя:

Николай Мисик,
православный христіянин
а не іпполітик

„Собор“ батюшок. Дня 1-го сего мѣсяця было великое собраніе истинну Христову соборную Церков розбивающих батюшок. — Новембер... Осѧнний мѣсяц... Листя спадають з дерев, смутное олововое небо, которое як великій студеный тягар лежить на наших плечах. Люде спѣшать в цвинтарѣ, чтобы запалити свѣчки над гробами любленых померших, обы и з сим провказати свою живу вѣру в Бозѣ и в Его истинной Церкви... День мертвых... На сей день зойшлися они, чтобы над гробом од нас одведеных вѣрников запалили истинну Христову вселенскую Церков уничтожающей огнь...

Собрание около 9-оѣ години почали в держ. нар. школѣ на площи Масарика... Каждого выгнали из „публичного шизматицкого собранія“. На собранію много говорили, но не кончили нич:

1) Хотѣли они устроити свою святу консисторію. Но се не удалось, ибо из кочишов и гусаров и прочих сяких ученых не могли сего зробити. (Шкода).

2) Говорили о науках священников. Но задар говорив Венямин и один пражскій священник, кочишами подбуренѣ люде сказали: что им лиши неученых попов треба.

3) Пополудни было слово за устав. Не приняли его, ибо не любився батюшкам.

4) Пражскій священник цѣкавый быв, ба якъ сесь православнѣ попы. Зазвѣдав одного священника чекаючого кандидата: Что е то канон? Он слухав и ничего не казав. Тогда яв выскати и казав: „Ta u vas волы пришли святитися. Та вы поналишали бороды и довгое волося и люде позирають на вас, як на комидіашов“. И продовжав: „З нами не говорить никто, бо вы такъ попы, что вчера еще свинарями были. Волѣють или вѣрники назад в каѳолическу церков, як бы под сяким веденiem были православнѣ. Дале не будеме святити сяких“. А коли один

кандидат казав: „Ta з нами что буде — одповѣв ему сей ревный священник: „Иди и на дале свинѣ попасовати“. Коли сего пана позвѣдали „вы ученый и интеллигентный, та як дозволяете сих за священников?“ одповѣв: „Мы такѣ, як земледѣлець. Съеме сѣмя И зачим не е ученых, то поставиме „колы“ на нивы, чтобы хранили сѣмя. Но и слабо иде“.

* * *

Успѣха не было жадного. Батюшки розойшлися и при вече-рѣ повеселились; но коло паленки вже не спѣвали вѣчная память. А пражскій священник видѣвшe на собранію их „православных отцов“, з тым выйшов из салы, что больше раз уже не прийде на сякое собраніе. И мы так думаеме. Ноproto не жалуе никто, кто там быв, ибо только бородатых и довговолосатых кочишов и других „дуже ученых“, в цураву реверенду одѣтых людей в одной группѣ скоро не буде видѣти.

„Православный Митр

НОВОСТИ

— Новѣ реформы в грецко-rossiйской церкви. Читаеме в одной ческой газетѣ, в „Lidove Listy“: ч. 255. „Недавно писали'сме о исторіѣ rossiйской церкви аж до року 1922. Говорили'сме о подъях Мелетія IV., кто днесъ уже не е на архіепископском престолѣ, но перебывае в одном монастери Аѳонском. Из поважных и смѣлых планов, которых хотѣв Мелетій осуществляти было и созваніе одного вселенского собора — быв бы то у них осмый — до Константинополя г. 1925. Сего року есть 1600 лѣтна рочница первого собора Никейского г. 325. Однакож днесъ уже цѣлком правдоподобное есть, что сей собор не буде скликаний. Але чтось однак случилося в сем напрямѣ. 16-го фебруаря 1923 скликана была предуготовитель на комиссія, в которой участвовали гдекотрѣ из найголовнѣйших патріархов. На сем предконгресѣ одноголосно рѣшили о важнѣйших реформах восточной (шизматицкой) церкви. В первых рѣшили запровадити грегорiянскiй календар, на что уже давно ладилися, айбо из ненависти к папѣ не хотѣли здѣйстнити. Дале было дозволено поодовѣльм священикам знову уженитися, бо другое супружество не противится духу Евангелiя. (Конгрес мыслить, что не може быти столкновенiе межи двома тайнами т. е меже священством и супружеством.) Никто не може быти дiяконом перед 21, священиком перед 24, а епископом перед трицятим роком. „Являєся нам одповѣдным духу приказа апостола Павла (I. кор. 11, 14) допорученым стародавною Церквию, чтобы священики носили отстрижене волося и чтобы виѣ

церкви носили свѣтскѣ одяки. Что до фарбы одежи, остануть важными дотеперъшнѣ церковнѣ законы.“ Были зрушенѣ *три посты* а именно перед праздником: св. Петра и Павла, перед Успеніем и перед Рождеством. В великоидном постѣ окрем первого и послѣдного тыждня дозволено есть Ѳести рыбы, яйца и молочнѣ стравы. (Сея реформа суть дуже важна, бо Фотій и Керуларій головно с тым обвиняли римску церков, что она дозволяла уживати в постѣ страву из яєц и молока.)

Можеме радостно привѣтсвовати сесѣ реформы (новости) хотя гдекотрѣ из них суть революційними. Можно витатиproto, понеже зломили они ненарушимость бізантійской „православной“ церкви, а можно надвѣятися что праця Мелетія одним кроком близше веде нас до єдности христіянской Церкви.

Все еще вопросом е ци буде поддержаный вселенскій собор года 1923. Мало надѣи маєме, бо большенство „православных“ богословов держиться до того, что вселенскій собор не може одбыватися без присутности римского папы. Коли прийде той час, коли „правословнѣ“ епископы въедно будуть с римским епископом собор держати, то так тяжко уганути, что еще дотеперь никто не мог о том певное мнѣніе сказать.“

Се пише одна велика ческа газета а се есть правдою до послѣдной буквы. Мы лиш оден вопрос ставиме нашим домашним шизматикам: „Кажѣть братя, та кто хубить въру уніяты ци „православнѣ“ ??

— **Посвячення дзвонов у Вел. Комятах.** Великое и одуванченое свято мали вел. комятскѣ вѣрники дня 21-го откобра, а то торжественне посвячення новокупленых двох дзвонов. При посвяченю о. Евменій Сабов архидіакон угочанской жупы заступав епископа, который не мог сам прийти, бо поїхав до Праги.

Службу кончив мѣстный духовник намѣстник о. Иван Рабарь. Под час службы спѣвав народный церк. хор под проводом мѣстного учителя Василя Калинича.

Дзвоны прекрасными вѣнками украсили батечко дзвонов Юрко Исак и маточки Шепа Иванова вдова и Дору Андріова вдова.

По посвяченю дзвонов проповѣдь казав о. Евменій Сабов. Милозвучным своим голосом так прекрасно говорив до народа, что каждому присутному слезы появилися в очах.

Найбльшу заслугу мяють в куплѣ дзвонов кураторы Иван Крайняй и Иван Лендьел. Они також обновили и прикрасили минувшого лѣта Калварію прекрасными образами и цѣлу церков, что теперь така, як бы нова была. Днесъ смѣло мож казати, что в. комятска церквов одна из найкрасших в цѣлой Подк. Руси.

Надѣмесь, что трудолюбнѣ кураторы в будучности выре-перують и школьный будинок, который также много поправки пожадає и в такій порядок приведуть свою школу, чтобы была достойным мѣстом для науки лѣтей и для розвитя културы. бо

школа для народа также повинна быти дорогоцѣнным скарбом, бо много раз кажется: „чія есть школа, того и будучность“.

Присутний.

— Изъ Пряшевской епархіи. Офіціальний органъ: Церквь и школа помѣщае розпоряженіе преосв. епископи Діонизія о точномъ веденію метрикальныхъ книгъ; окремъ метрики розпорядено запровадити еще инишихъ полуофиціальныхъ книгъ о состоянію душъ дотычной парохіи.

— Парохіальны уряды и „dávka z majetku“. Въ теперѣшнихъ дняхъ получили або получать фарскѣ уряды воззваніе, чтобы и за фарскѣ земля заплатили такъ названу dávku z majetku. Понеже фарскѣ землы по закону о dávku z majetku zo dňa 30. aprila 1920. číslo 309. sb. zák. a nar. § 4. II. суть освобожденнѣ отъ сей дани, зато каждый парохъ, кто получивъ таке воззваніе въ совѣсти долженъ подъ теченіемъ 30 дней апеловати къ finančnému Riaditelstvu, ибо въ противномъ случаѣ про свою недбалость укривдить свою церковь. (Церквь и школа ч. 7. где подавається и форма апеллациі).

На интернатъ руськой препарандіи Пряшовской Его Превосходъ. о. Гавріилъ Мартякъ апост. администраторъ въ Америцѣ даровавъ 10.000 кч.

16-го октября отбыла ся торжественна инаугурація протоіерсія о. превосх. Зенона Ковалицкого канонока. Обрядъ заведенія кончивъ еп. Нярадій.

— Великое церковное торжество — ладится на праздник св. Архистратига Михаила в Н. Давыдковѣ, где гр. каѳ. церк. громада призвала на посвященіе прекрасного нового храма Божого Его Преосвящ. Епископа Мукачевского, который 20-го с. м. пополудне выѣздит с хором каѳедр. храма на мѣсто, чтобы горячому желанію своих ревных вѣрников удовлетворити. Давыдковскѣ вѣрники составляют крѣпкий остров коло вел. лучанского несчастливого шизматицкого моря и подают примѣръ для всѣх других церк. общин на то, же что значить в днешних обманах и дурных агитаціях шизматицких бунтовщиков тверезным розумом мирно и спокойно жити.

Давидковска нова церков есть одна из наибольших в цѣлой Подкарп. Руси.

Напевно и праздник посвященія успѣшный и величавый буде.

В Зарѣчи ревнѣ гр. каѳ. вѣрники обновили свою церковь, которую соотвѣтно желанію церк. общинѣ 18-го с. м. торжественно поблагословйт Др. Василій Гаджега каноник из Ужгорода.

Церков и священники. Что е Церков? Церков е войско добре заряджено и поставлено до борьбы за Царство Божое на земли. — Священники же суть в сем войску офицерами, на которых найлѣпше лютиться непріятель.

Что есть Церков? Она есть корабльом на бурливом морѣ; священники же суть моряками, котрѣ капитанови корабля помогаютъ.

Что е Церков? Церков с домом Божім, котрый сам Христос утвердив на скалѣ, на святом Петрѣ; священники же суть сторонами того дому, чтобы злодѣи и розбойники не вломилися в Божій дом и да что не забрали.

А если священники суть офицерами Церкви, тогды ци не повиннѣ простѣ вояки слухати рожказы своих офицеров?

А если священники суть моряками, помогаючѣ капитанови корабля, ци люди подорожники на кораблѣ в час бурѣ не мають с довѣріем относитися к морякам?

А если священники суть сторожами Божого дома, ци вѣруючій народ не мае всею силою помогати священикам, коли они против всяких пройдисвѣтов оброняють дом Божій?

Дякуйме Богу небесному; что находимеся в том домѣ, котрый сам Христос основав на твердой скалѣ на апостолѣ св. Петра; что есме на том корабли, с которым сам Христос управляе; и что есме вояками того войска, котрого сам Христос есть полководцом.

— **Назадъ у Христову Церковь.** Изъ Америки пише нашъ дописователь: „О. Иванъ Хромальный вѣдомый працownikъ россійской православной Церкви, вернувъ ся въ лоно гр. каѳ. правосл. Церкви и публично оголосивъ изъ той нагоды каяня и заявлявъ, что въ россійской православной церкви нашовъ лишенъ зверхнѣ формы, подъ которыми кипить моральное болото безидейности, фарисейства, цинизма и т. д.“

— **Выименованя.** От Правительства Епархіи назначен о. Евгеній Уїгслѣ администратор из Копиновиц приходником до Ильницы и Новоселицы; о. Стефан Головач сотрудник имстичовскій, администратором до Имстичова; о. Евгеній Горзов бывшій имстичовскій намѣст. парох вступив в пензію.

— **На память св. Іосафата** великѣ славности будуть и в Пражѣ. Из сего поводу выдали пражскѣ чехи слѣдуюче возва-

— **Короткѣ вѣсти.** На Загребском евхаристичном конгресѣ присутнѣ были из Франціи 700 учеников университетских.

— Римскій Отецъ собрав в Америцѣ пля. японцов пострадавших

ше: „На празднованіе памяти 300 рочнїй мученической смерти св. Іосафата, мученика церковного соединенія 15-го новембра 1923 о 7 годинѣ вечер велика славность устроюєся. Бесѣдник: о. А. Климович бѣлорусь. Спѣвати буде українскій хор. Агитуйте! Принесѣтъ своих знакомых!“

— **Протестантскаго попа дѣвка — монахинею.** В Англіѣ где из дня на день росте число наверненых в католическу Церков не давно в одном женском монастирѣ Кармелиток в присутности одного протестантскаго (кальвинского) попа и его жоны складала обѣт их власна — дѣвка. Чуднѣ суть дороги Бога; протестантскій поп мае дѣвку — за католицку монахиню!

— **Новый оломуцкій архіепископ.** На оломуцкій архіепископскій престол папа римскій выименовав др. Леополда Пречана.

страшным землетрусом 20.000 долларов. — Из отступивших ся ческих священников и основавших нову „ческословенску“ вѣру, вже многѣ покаяли ся и вернули назад в Христову церковь.

Возваніе до читательов Благовѣстника.

Уже каждый наш читатель получив чек, на котором назначено колько есть его довг на газету. *Просиме ласкаво неотмѣнно заслати тоту сумму еще сего мѣсяця.* Жіeme тяжкѣ часы. Знаеме, что многим тяжко и тых пару корон жертвовать айбо мы мусиме выдержати. Бо як наш смѣлый голос занѣмїе в сей борьбѣ за Христову православну-каѳолическу вѣру, тогды еретики цѣльком запанують над нами. Дармо будуеме мы краснѣ церкви для славы Божой, если не маеме сильной прессы (газеты, книжки) с котрою мы их обороняеме от нападов непріительских (Х. Пій). Кто на добру газету даруе, той подпирае Христово дѣло, той якбы на олтар положив жертву свою.

Благовѣстник есть найдешевша газета на цѣлой Подк. Руси. Не може никто казати, что противхристіянскѣ газеты суть тунышѣ або лѣпше редакованї. Кто и тых 12 корон шкодує на Христовое дѣло даровати, той або не видить завзяту борьбу против Божого дѣла, або хибитъ из него здорова христіянска свѣдомость !

В каждом селѣ, в каждой руськѣ хатѣ там мае быти любима газета русинов-христіянов : Благовѣстник !

На фонд „Благовѣтника“ даровали : о. *Петр. Гебей* протоіерей : 100 Кч.; о. *Іван Сопков* 20 Кч.

ПЕРЕПИСКИ РЕДАКЦІИ.

I. L. Америка. Посилаєме на ваш адрес Благовѣстник и падѣмєся, что удає ся вам меже нашими вѣрниками найти даськолько предплатників. За ваш „откритий лист“ іциро дчкуєме.

М. Нагай, Америка. Книжки Вами замовленѣ теперъ друкуються в „Унії“. Нам отповѣли, что як готовѣ будуть достанете; кажуть, что написали вам письмо. О добрых книжках постарає ся и Благовѣстник.

И. Крайняница. Из старокраевых газет найцарїйше вручаєме вам Свободу: она стоить на чисто народной и христіянской основѣ. Послали сме вам окажовный екземлар. Тишимє ся, что Благовѣстник полюбили и в Америцѣ.

РЕДАКТОР-ИЗДАТЕЛЬ :
Августин Волошин.

ОТВѢЧАТЕЛЬНЫЙ РЕДАКТОР :
ЕМИЛІЯН БОНШАЙ.